



PEJABAT KETUA PENDAFTAR
Office of the Chief Registrar
MAHKAMAH PERSEKUTUAN MALAYSIA
Federal Court of Malaysia
ISTANA KEHAKIMAN
PRESINT 3
62506 PUTRAJAYA

Telefon : 03-88803500

03-88803782

Faks : 03-88803886

Laman Web : <http://www.kehakiman.gov.my>

Ruj. Tuan :

Ruj. Kami : (9) dlm. JK/M^P 38 Jld. 6

Tarikh :

11 Jun 2013

Pengarah Mahkamah Negeri
Seluruh Malaysia

Hakim Mahkamah Sesyen
Seluruh Malaysia

Timbalan Pendaftar/Penolong Kanan Pendaftar
Mahkamah Tinggi
Seluruh Malaysia

Majistret
Seluruh Malaysia

Penolong Kanan Pendaftar
Mahkamah Rendah
Seluruh Malaysia

Penolong Pendaftar Mahkamah Rendah
Seluruh Malaysia

YBhg. Datuk/ Dato'/Datin/Tuan/Puan,

**ARAHAN AMALAN BIL. 6 TAHUN 2013
PENGKELASAN KOD BAGI KES-KES DI MAHKAMAH TINGGI, MAHKAMAH
SESYEN DAN MAHKAMAH MAJISTRET SELURUH MALAYSIA**

Adalah didapati bahawa wujud ketidakseragaman dalam pengkelasan kod perihal perkara (*subject matter*) di Mahkamah Tinggi dan juga di Mahkamah Rendah.

2. Ketidakseragaman ini timbul kerana terdapat pelbagai perihal perkara undang-undang yang baru yang tidak disenaraikan pengkelasan kodnya sebelum ini dan ada mahkamah-mahkamah telah mengambil inisiatif sendiri dengan mewujudkan kod sendiri tanpa merujuk kepada Pejabat Ketua Pendaftar Mahkamah Persekutuan Malaysia. Di samping itu, terdapat juga Arahan-Arahan Amalan yang telah dikeluarkan

mengikuti keperluan dari semasa ke semasa dan ada kalanya bertindih dengan Arahan-Arahan Amalan yang dikeluarkan terdahulu.

TUJUAN

3. Arahan Amalan ini dikeluarkan dengan tujuan berikut:
 - i. mewujudkan satu Senarai Khas Pengkelasan Kod Perihal Perkara bagi Mahkamah Tinggi dan Mahkamah Rendah yang mengkelaskan kod-kod perihal perkara di peringkat Mahkamah Tinggi, Mahkamah Sesyen dan Mahkamah Majistret;
 - ii. menyeragamkan pengkelasan kod-kod perihal perkara di Mahkamah Tinggi, Mahkamah Sesyen dan Mahkamah Majistret;
 - iii. menjelaskan kekaburan/kekeliruan yang timbul atas Arahan-Arahan Amalan yang bertindih; dan
 - iv. menjadi rujukan mudah bagi pengkelasan kod-kod perihal perkara di Mahkamah Tinggi, Mahkamah Sesyen dan Mahkamah Majistret.

PENGEKELASAN KOD BAGI KES DAGANG NCC DAN KES SIVIL NCvC DI MAHKAMAH RENDAH

4. Bagi maksud penyeragaman kes-kes dagang dengan pengkelasan kod NCC di Mahkamah Tinggi dan Mahkamah Rendah, kes-kes dagang kod NCC di Mahkamah Rendah melibatkan perihal perkara yang berikut:
 - 4.1 *Urusan Bank*
 - (a) Bil Pertukaran
 - (b) Bil Jualan
 - (c) Surat Kredit
 - (d) Suratcara Boleh Niaga
 - 4.2 *Kontrak Agensi*
 - 4.3 *Kewangan*
 - (a) Sewa Beli
 - (b) Pemajakan

- (c) Pinjaman Wang
- (d) Saham dan Syer
- (e) Bon

4.4 *Insurans*

4.5 *Perkongsian*

4.6 *Jualan Barangan*

5. Manakala kes-kes sivil dengan pengkelasan kod NCvC di Mahkamah Rendah melibatkan perihal perkara berikut:

5.1 *Kontrak*

- (a) Kontrak Bagi Perkhidmatan
- (b) Kontrak Perkhidmatan
- (c) Perjanjian Jual Beli Tanah/Bangunan

6. Mana-mana perihal perkara yang tidak disenaraikan di atas hendaklah dikelaskan dengan kod guaman sivil am.
7. Pengkelasan kod di perenggan 4 dan 5 bagi Mahkamah Rendah di atas hanya terpakai bagi kes-kes yang difailkan pada atau selepas 1 Julai 2013.

RAYUAN DARI MAHKAMAH RENDAH KE MAHKAMAH TINGGI

8. Bagi rayuan-rayuan dari Mahkamah Rendah Kuala Lumpur ke Mahkamah Tinggi Kuala Lumpur, memandangkan di Mahkamah Tinggi Kuala Lumpur telahpun ditubuhkan Mahkamah Khas tertentu seperti NCC, NCvC, Muamalat, Pembinaan, Admiralti dan Harta Intelek, maka rayuan sivil dari Mahkamah Rendah hendaklah dikelaskan mengikut kod dalam Senarai Khas Pengkelasan Kod Perihal bagi Mahkamah Tinggi dan Mahkamah Rendah dan didengar di Mahkamah Tinggi berkaitan dan bukan lagi di Mahkamah Rayuan Kuasa-Kuasa Khas (RKK).
9. Manakala bagi Mahkamah-Mahkamah Tinggi lain yang tidak mempunyai Mahkamah Khas seperti di Mahkamah Tinggi Kuala Lumpur, pengkelasan kod masih perlu dibuat bagi kes-kes rayuan dari Mahkamah Rendah tetapi pendengaran rayuan-rayuan tersebut adalah mengikut amalan sedia ada.

PENKELASAN KOD BAGI KES DAGANG NCC, NCvC, MUAMALAT DAN HARTA INTELEK DI MAHKAMAH TINGGI SELAIN DARIPADA MAHKAMAH TINGGI KUALA LUMPUR

10. Bagi maksud penyeragaman kes-kes dagang NCC di Mahkamah Tinggi selain daripada Mahkamah Tinggi Kuala Lumpur, kes-kes dagang NCC di semua Mahkamah Tinggi berkaitan melibatkan perihal perkara yang berikut:

10.1 *Admiralti (in rem dan personam)*

- (a) Bil Muatan
- (b) Pengangkutan Barangan melalui Laut/Udara
- (c) Pelanggaran di Laut
- (d) Perkapalan Dagang

10.2 *Urusan Bank*

- (a) Bil Pertukaran
- (b) Bil Jualan
- (c) Surat Kredit
- (d) Suratcara Boleh Niaga
- (e) Kes Muamalat

10.3 *Kebankrapan*

10.4 *Pendaftaran Perniagaan*

10.5 *Akta Syarikat 1965 [Akta 125]*

- (a) Penggulangan Syarikat
- (b) Debentur
- (c) Saham dan Syer

10.6 *Kontrak*

- (a) Agensi

10.7 *Kewangan*

- (a) Keesahan Syarikat
- (b) Akta Penghutang 1957 (Semakan 1981) [Akta 256]
- (c) Pemfaktoran
- (d) Sewa Beli
- (e) Pemajakan
- (f) Pinjaman Wang

10.8 *Insurans*

10.9 *Harta Intelektual (IP)*

Kes-kes harta Intelek di semua Mahkamah Tinggi adalah melibatkan perihal perkara berikut :

- (a) Nama Perdagangan dan Perihal
- (b) Hakcipta
- (c) Rekabentuk Perindustrian
- (d) Paten
- (e) Tanda Perkhidmatan
- (f) Akta Perihal Dagangan 1972 [Akta 87]
- (g) Tanda Niaga

10.10 *Undang-Undang Kelautan*

10.11 *Perkongsian*

10.12 *Jualan Barangan*

10.13 *Muamalat*

11. Manakala kes-kes sivil NCvC di semua Mahkamah Tinggi selain daripada Mahkamah Tinggi Kuala Lumpur pula melibatkan perihal perkara berikut:

11.1 *Rujukan Tanah*

- (a) Akta Pengambilan Tanah 1990 (Semakan 1992) [Akta 486]

11.2 *Pentadbiran Harta Pusaka*

- (a) Surat Kuasa Mentadbir
(b) Anggapan Kematian
(c) Probet
(d) Wasiat

11.3 *Kontrak*

- (a) Mungkir Janji Perkahwinan
(b) Kontrak Bagi Perkhidmatan
(c) Kontrak Perkhidmatan
(d) Perjanjian Jual Beli Tanah/Bangunan

11.4 *Undang-Undang Keluarga*

- (a) Pengangkatan
(b) Jagaan Budak
(c) Perceraian
(d) Penjagaan Budak
(e) Nafkah Isteri dan Anak dan Relif Sampingan lain
(f) Guaman Suami/Isteri
(g) Pembatalan Perkahwinan

11.5 *Kanun Tanah Negara 1965*

- (a) Kaveat
(b) Pajakan
(c) Halang Tebus

- (d) Perkara lain yang timbul di bawah Kanun Tanah Negara

11.6 Hasil

- (a) Tuntutan cukai pendapatan
- (b) Tuntutan hasil yang lain

11.7 Tort

- (a) Fitnah
- (b) Kemalangan Perusahaan
- (c) Kecuaian
- (d) Tuntutan Kecederaan Diri
- (e) Pampasan Pekerja

11.8 Amanah

- (a) Akta Pemegang Amanah (Semakan 1978) [Akta 208]
- (b) Akta Pertubuhan 1966 (Semakan 1987) [Akta 335]

11.9 Perkara-Perkara di bawah Akta Profesion Undang-Undang 1976

- (a) Permohonan Semasa Latihan (Penerimaan Jangka Masa Pendek)
- (b) Petisyen Penerimaan Masuk dan Daftarai Sebagai Peguambela dan Peguamcara
- (c) Rayuan terhadap keputusan Lembaga Disiplin di bawah seksyen 103E

11.10 Undang-Undang Pentadbiran termasuk:

- (a) Certiorari (Aturan 53, Kaedah-Kaedah Mahkamah 2012)
- (b) Injunksi oleh/terhadap Pertubuhan dan lain-lain Organisasi
- (c) Mandamus (Aturan 53, Kaedah-Kaedah Mahkamah 2012)
- (d) Larangan (Aturan 53, Kaedah-Kaedah Mahkamah 2012)
- (e) Mahkamah Perusahaan

11.11 *Rayuan daripada Badan Berkanun (Aturan 55, Kaedah-Kaedah Mahkamah 2012) termasuk:*

- (a) Akta Pekerjaan 1955 (Semakan 1981) [Akta 265]
- (b) Akta Kerajaan Tempatan 1976 [Akta 171]
- (c) Seksyen 418 Kanun Tanah Negara 1965
- (d) Akta Setem 1949 (Semakan 1989) [Akta 378]
- (e) Rayuan Cukai
- (f) Enakmen Lembaga Bandaran (Bab 137)
- (g) Akta Cap Dagangan 1976 [Akta 175]

11.12 *Akta Timbangtara 2005 [Akta 646]*

11.13 *Rayuan Sivil daripada Mahkamah-Mahkamah Rendah (Aturan 55, Kaedah-Kaedah Mahkamah 2012)*

- (a) Mahkamah Majistret
- (b) Mahkamah Sesyen

11.14 *Tafsiran Statut dan Surattcara*

11.15 *Akta Surat Kuasa Wakil 1949 (Semakan 1990) [Akta 424]*


12. Mana-mana perihal perkara yang tidak disenaraikan di atas hendaklah dikelaskan dengan kod guaman sivil am.
13. Bagi Mahkamah Tinggi yang tidak mempunyai Mahkamah-Mahkamah Khas seperti yang terdapat di Mahkamah Tinggi Kuala Lumpur, semua perihal perkara tersebut HENDAKLAH diberi pengkelasan kod menurut Senarai Khas Pengkelasan Kod bagi Mahkamah Tinggi dan Mahkamah Rendah sebagaimana Arahan Amalan 6/2013 ini .
14. Bagi Mahkamah Tinggi Kuala Lumpur, kes-kes seperti di item 66 hingga 69 di Lampiran Pengkelasan Kod Kes Sivil Mahkamah Tinggi hendaklah difailkan di Bahagian Pelaksanaan Mahkamah Tinggi Kuala Lumpur.
15. Arahan Amalan ini merupakan tambahan dan tidak akan membatalkan Arahan-Arahan Amalan dan Pekeliling-Pekeliling yang terdahulu kecuali mengenai pengkelasan kod perihal perkara (*subject matter*). Walau bagaimanapun sekiranya terdapat percanggahan atau kekeliruan, Arahan Amalan ini adalah terpakai.
16. Selepas daripada Arahan Amalan ini, sayugia adalah diingatkan bahawa mahkamah-mahkamah tidak boleh sewenang-wenangnya memberi pengkelasan kod kepada sebarang perkara undang-undang di hadapannya.

17. Arahan Amalan ini berkuat kuasa mulai 1 Julai 2013 dan hanya terpakai kepada kes-kes yang difailkan pada dan selepas tarikh tersebut.

Sekian, terima kasih.

"BERKHIDMAT UNTUK NEGARA"

Saya yang menurut perintah,



(AZIMAH BINTI OMAR)
Ketua Pendaftar
Mahkamah Persekutuan Malaysia
Istana Kehakiman
PUTRAJAYA

s.k :

YAA Ketua Hakim Negara
Mahkamah Persekutuan Malaysia
Istana Kehakiman
PUTRAJAYA

Peguam Negara
Jabatan Peguam Negara
No.45, Persiaran Perdana
Presint 4
62100 PUTRAJAYA

YAA Presiden Mahkamah Rayuan
Mahkamah Rayuan Malaysia
Istana Kehakiman
PUTRAJAYA

YAA Hakim Besar Malaya
Mahkamah Persekutuan Malaysia
Istana Kehakiman
PUTRAJAYA